

BWEA Bwletin Ynni Adnewyddadwy Cymru Rhifyn 01 - Tachwedd 2006

Croeso i'r rhifyn cyntaf o "Bwletin Ynni Adnewyddadwy Cymru", sef adnewydd gwybodaeth rheolaidd, newydd ar gyfer y sawl sy'n gysylltiedig â diwydiant ynni adnewyddadwy ffyniannus Cymru. Fe fydd y bwletin yn canolbwyntio yn bennaf oll ar ynni gwynt ar y tir er mwyn adlewyrchu polisi ynni adnewyddadwy Cymru a amlinellir yn TAN8 ond fe fydd hefyd yn ymdrin â phrosiectau ynni adnewyddadwy eraill yng Nghymru. Fe fydd y bwletin yn cael ei gynhyrchu a'i ddosbarthu gan Bwyllgor Llywio Cymru y BWEA. Os hoffech dderbyn copïau yn y dyfodol, anfonwch e-bost, os gwelwch yn dda, at info@bwea.com, neu fel arall, llwythwch hwn a rhifynnau'r dyfodol i lawr oddi ar www.bwea.com/wales.

Newid yn y Gwynt i Gymru

Y mae newid yn yr hinsawdd, prisiau pŵer yn codi ac ofnau ynglŷn â diogeldd cyflenwadau wedi rhoi mater ynni yn flaenllaw ym meddwl pawb. Y mae mwy a mwy o bobl yn dod yn ymwybodol o'r angen i gofleidio ynni adnewyddadwy ar gyfer dyfodol cynaliadwy. Y mae Cymru yn gartref i beth o'r gwyntoedd gorau yn Ewrop, ac fe fydd gan ynni gwynt ran sylweddol iawn gyda chynorthwyo Cymru i gyrraedd ei nod ynni adnewyddadwy.

Y mae'r parhad mewn cefnogaeth i ynni gwynt yng Nghymru wedi'i ail-gadarnhau gan ganlyniadau pôl barn newydd, gyda 72% o bobl yn cytuno bod ffermydd gwynt yn angenrheidiol fel ein bod yn gallu cynhyrchu ynni adnewyddadwy i'n cynorthwyo ni i ddiwallu anghenion ynni cyfredol ac anghenion ynni'r dyfodol.


Fe wnaeth digwyddiad dros Wyl y Banc ym mis Awst - Penwythnos Gwynt - alluogi ymwelwyr i brofi nerth y gwynt, pan wnaeth y ffermydd gwynt amlycaf agor eu pyrth i aelodau'r cyhoedd, gan roi'r cyfle i bobl i weld ynni gwynt ar waith. Fe wnaeth Fferm Wynt Rheidol, ger Aberystwyth yng Ngheredigion, a Fferm Wynt Hafoty Ucha ger Corwen yn sir Ddinbych gynnig adloniant am ddim i'r teulu i gyd, yn amrywio o deithiau tyrbinau gwynt, gweithgareddau rhyngweithiol a chyngor ynglŷn ag effeithlonrwydd ynni, ac fe wnaeth yr esbonyddion ynni adnewyddadwy sydd wedi bod wrthi ers amser maith, y Ganolfan Technoleg Amgen ym Machynlleth ym Mhowys, hefyd agored dros y penwythnos.

Cynnydd tuag at dargedau TAN8

Y mae Llywodraeth Cynulliad Cymru, drwy'u canllawiau ar bolisi ynni adnewyddadwy (TAN8), wedi pennu targedau pendant ar gyfer cynhyrchu ynni adnewyddadwy yng Nghymru. Fe fydd pob rhifyn o Bwletin Ynni Adnewyddadwy Cymru yn cadw golwg ar gynnydd tuag at y targed penodol o 800 MW o gapasiti ynni gwynt ychwanegol ar y tir erbyn 2010, gan ddefnyddio ystadegau oddi wrth gronfa ddata UKWED (www.bwea.com/ukwed/). Er mwyn cyrraedd y targed ynni gwynt TAN8 ar y tir, y mae angen gosod cyfartaledd o 12.3 MW bob mis hyd at Ragfyr 2010; erbyn Tachwedd 2006, yr oedd cynnydd dros 60% ar ei hôl hi o ran yr amserlen.

Prosiect newydd: Y mae npower-renewables wedi agor yn swyddogol Fferm Wynt Ffynnon Oer yng Nghwm Nedd. Fe gafodd y fferm wynt 32 MW hon, sy'n cynhyrchu trydan sy'n gyfwerth â gofynion mwy na 17,000 o gartrefi, ei hagar yn swyddogol.

Ynni Gwynt ar y Tir - cynnydd tuag at darged TAN8, a fabwysiadwyd ym mis Gorffennaf, 2005



Cysylltwch â Llywelyn Rhys, Swyddog Cymru BWEA
t 07875 434 049
e llywelyn@bwea.com